

**Inuussutissalerinermut aamma uumasut nakorsaqaqarnerannut tunngasunut suliassaqaq-
fiup tamakkiisumik tiguneqarnissaat pillugu nassuiaasioqqullugit Naalakkersuisut peq-
quneqarnissaannik Inatsisartut aalajangiiffigisassaattut siunnersuut. Pineqartut tigune-
qarnerisigut inatsisilerinikkut allaffissornikkullu aallaavissat sukumiinerusut, taamatul-
lu aamma pilersitsinermut ingerlatsinermullu aningaasatigut kingunerisassat na-
ssuiaammi allaaserineqassapput. Suliassaqaqfiup ulluinnarni ingerlanneqarsinnaanera-
nut, sulisussarsiniartarneq ilanngullugu, periarfissat nassuiaammi nalilersorneqassap-
puttaaq. Nassuiaat Inatsisartunut UPA2020-mi saqqummiunneqassaaq.**

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneerineqarneranut

ILASSUTITUT ISUMALIUTISSIISSUTAA 2

Ataatsimiititaliap suliarinninnermini kingullermik inuttarai:

Inatsisartunut ilaasortat Henrik Fleischer, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia
Inatsisartunut ilaasortaq Karl-Kristian Kruse, Siumut (sinniisoq)
Inatssartunut ilaasortaq Jens Danielsen, Siumut
Inatsisartunut ilaasortaq Steen Lynge, Demokraatit
Inatsisartunut ilaasortaq Múte Bourup Egede, Inuit Ataqtigiit
Inatsisartunut ilaasortaq Hans Enoksen, Partii Naleraq

Siunnersuut siuliani allasimasoq pillugu ataatsimiititaliaq ulloq 6. oktober 2019-imi ilassutitut isumaliutissiissuteqarpoq. Aappassaaneerinninnissamut Naalakkersuisut akissutetqaataat nutaaq 14. november 2019-imik ullulerneqartoq ataatsimiititaliamit ulloq 15. november 2019-imi tiguneqarpoq. Akissuteqaatip nutaap imaraa Naalakkersuisunit allannguutissatut siunnersuut nutaaq.

1. Siunnersuutip imarisaa siunertaalu

Siunnersuutip aqqutigalugu inuussutissalerinermut uumasullu nakorsaqaqarnerannut suliassaqaqfiup tamakkiisumik tiguneqarnissaa pillugu nassuiaasioqqullugit Naalakkersuisut

peqquneqassapput. Pineqartut tiguneqarnerisigut inatsisilerinikkut allaffissornikkullu tunngavissat sukumiinerusut, taamatullu aamma pilersitsinermut ingerlatsinermullu aningaasatigut kingunerisassat nassuiaammi allaaserineqassapput. Suliassa qarfiup, tassungalu ilanngullugu sulisussarsiniartarnerup ulluinnarni ingerlanneqarsinnaanerannut periarfissat nassuiaammi nalilersorneqassapputaaq. Nassuiaat Inatsisartunut UPA2020-mi saqqummiunneqassaaq.

2. Aappassaaneerinninnissamut Naalakkersuisut akissuteqaataat 14. oktober 2019-imik ullulerneqartoq.

Ataatsimiititaliap ulloq 6. november 2019-imi ilassutitut isumaliutissiissuteqareernerani Naalakkersuisut akissuteqaammik nutaamik 14. november 2019-imik ullulerneqartumik aammalu ulloq 15. november 2019-imi tiguneqartumik saqqummiussipput.

Siunnersuutaqaartup akuerineqarnissaanik ataatsimiititaliami amerlanerussuteqartut ilassutitut isumaliutissiissummi inassuteqarnerat tunngavigalugu allannguutissatut siunnersuummik nutaamik Naalakkersuisut saqqummiussisut akissuteqaammi allassimavoq. Siunnersuut ima oqaasertaqarpoq:

Inuussutissalerinermik uumasullu nakorsa qarnermik tamarmiusumik tigusinissaq pillugu nassuiaammik UKA2020-mut saqqummiussinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

3. Ataatsimiititaliap suliarinninnera

Naalakkersuisut allannguutissatut siunnersuutaat ataatsimiititaliamit misissorneqarlunilu Naalakkersuisut nassuiaammut tunngatillugu piffissaliunneqartoq pillugu oqaaseqaataat isummerfigineqarpoq.

Inuussutissalerinermilli uumasunullu nakorsa qarnermik suliassa qarfiup tigusinissaa pillugu suliap suliarineqarnerata siuarsarnissaa pingaartuusoq ataatsimiititaliaq isumaqatigiittoq naliliivoq. Taamaattumillu siunnersuuteqartup siunnersuutigeqqaagaa ataatsimiititaliamit isumaqatigiissumit taparserneqarpoq. Tassani allassimavoq nassuiaat UPA 2020-mi saqqummiunneqassasoq. Nassuiaatip saqqummiunneqarnerata kingorna sapinngisamik piaarnerpaamik inuussutissalerinermut uumasunullu nakorsa qarnermut suliassa qarfiup tamakkiisumik tiguneqarnissaanut iliuusissatut pilersaarummik periusissiamillu imaqartumik nassuiaat tunngavigalugu aalajangersimasunik aalajangiisoqarnissaa ataatsimiititaliamit naatsorsuutiginerpoq.

4. Ataatsimiititaliap inassuteqaatai


Siuliani oqaaseqaatigineqartut tunngavigalugit **ataatsimiititaliap isumaqatigiissup siunnersuutaqqaartoq akuerineqassasoq** inassutigaa.

Naalakkersuisut allannguutissatut siunnersuutaat 14. november 2019-imik ullulerneqartoq **itigartinneqassasoq ataatsimiititaliap isumaqatigiittup** inassutigaa.


Taama oqaaseqarluni ilassutillu isumaliutissiisummi 2-mi allassimasutut paasinnilluni ataatsimiititaliap siunnersuut aappassaaniigassanngortippaa.



Henrik Fleischer
Siulittaasoq




Aqqaluaq B. Egede
Siulittaasup tullia



Karl-Kristian Kruse



Jens Danielsen



Steen Lynge



Múte Bourup Egede



Hans Enoksen